

ИНТЫЫСЬ АСКИВАЛТОН

Калыктэк тон кин?

Шаркан ёросысь Балтач гурт поселенилэн сюлмаськонъёсыз

Елена САРАМАТОВА

Шаркан ёросысь Курнёысь дышетйсь Надежда Леконцева депутатэ мынйз вал гуртсэ быронлэсь утён вылысь. Нош сое кутйзы но Балтач гурт поселениен кивалтйсе бырийзы.

Одйг кыткетын

Надежда Сергеевна гурт поселение депутатэ ой куриськысалыз, вылды, Курнё гуртэ секытэсь вакытёс ой вуысалзы ке.

- Уд жингыртйськы, уд даллашйськы ке, сюресэз но уг тупато, ульчаез но уг югдыто. Эшшо ке юон ву өвёл. Пичи деревняе понна сюлмы бёрдыны кутскиз. Депутатэ мынй ке, главы улыны маза уг сёты шуыса, кандидатураме поттй. Ачим но валатэк, глава луи, - вера Надежда Леконцева.

Зэм, нырысь-валысь аслыз ачиз синтэм кочышпи кадь потылйз. Но Надежда Сергеевна өз сётскы - вамыштйз соку ёрослэн йырыз Александр Прохоров доры. Со гаяк валэктйз: калыкез роддомысь пумитано, берпуметй сюресазы келяно - вань ужед тынад.

- Та кылъёс кужым но сётйзы, синъёсме но усътызы. Кызы ужаны кулэ шуыса, возматйзы на надзорной органъёс. Кыче зол соос киязы кырмыса возё!

Гуртоос Надежда Леконцевалы оско. Шугсекытёсынызы уйин но жингырто, уконоз но йыгасько. Тани али калыкы райцентре потыны номырин. Рейсовой автобусэс пытсазы 1-тй апреле. Кивалтйсьёслы рейс усътыны курыса гожтэтъёс келямын. Валэктон өвёл на. Гурт поселенин тросэзлэн машиназы өвёл бере, Надежда Леконцева аслэсьтыз но машиназэ висъялля.

ШУНЫТ КЫЛ

Милемыз уд вунэтйське

Вань удмурт калыкы, «Удмурт дунне» газетын но Национальной библиотеказы ужасёслы сюлмысьтым тау кареме потэ - соос милемыз, палэнын улйсьёсты, син азязы возё.

Пермь улосысь Чайковский городын трос гинэ удмуртёс улйськом, 1990-тй аръёсы «Дэмен» огазеяськон кылдытйм. Удмуртлыкмес



Вордскем Курнё гуртсэ со быронлэсь утиз ик. Туннэ татын 21 мурт улэ. Ву но кыскизы. Сюрестэк но уг пуко. Уж сётйсь но вань: татын фермер хозяйство возе Валентин Леконцев. Со картошка мертгэ, ю тысь будэтэ, турын дася.

Туала вакытэ бадъым йыр висён кылдйз: городлы кулэтэм адямиосты сёд рилторъёс поселение вайыса кельто, лукыр-лакыр коркаосы пырто. Соосты уже интыян сярись сюлмаськоно луэ, сотэк весь юыса уло. Озы Валентин Леконцев гужемлы ас дораз куд-огзэ кутэ. Со сяна, Балтач но Тюар гуртёсын ужа «Нива» хозяйство. Тайныз кивалтэ Иван Леконцев. Соин валче гуртысь 94 адямины уж вань. 930 суро таза пудо возё, та пöлысь 301-ез - кысконо скалгёс. Пыд йылазы лачлач султйзы ни вал. Но туннэ, йёллы дун синэмен, уждун тыронэн шуг-секытёс кылдо.

Озы, фермер сюлмаськемен, хозяйство тыршемен, Балтач гурт поселение возиське. Надежда Леконцева ачиз но шуэ:

- Мукет гурт поселениосын чöшатыса, мынамес самой умой улэ, дыр. Кылсярысь, сюресъёсты возён пумысен мон уг сюлмаськиськы. Кöня быгатйсько, бюджетысь сомында коньдон колхозлы ужомез понна тырисько. Уйин лымыя ке, председатель тракторъёссэ поттэ, озы калык 8 часлы ужаны мынэ мычем сюрес кузя. Нош гужем, тулыс ужъёс бырем бере, турнан дыр кутскымтэ дыръя, вань техниказэ поттэ. Бордаз итйсько азбаразы трактор возисьёс. Дэмен карьерысь 2-3 нунал суй, көлы поттыло но гуртысь сюресъёсты жуто. Озы берло 2 ар чöже ум ик тодылйське ни, мар со нöд.

«Нива» хозяйство ву гумыосты тупатъяса возе. «Водоканал» огазеяськон школа, администрация, нылпи сад дорозь гинэ вуэз возе. Валче ужало бере, Надежда Леконцева но хозяйстволы юрттыны выре. Кылсярысь, июнь-июль толзъёсы, уйёс вакчи дыръя, ульчаосты уг югдыто. Но уборка дыръя калык 2-тй сменае ужаны потэ ке, по-

Шаркан ёросысь Балтач котырысь сюресъёсты сузяса возе «Нива» хозяйство.

селение соку ик тыл жуатэ. Вань юбоосы светодиодной лампаос юматэмын. Огшоры лампаен чöшатыса, соос коньдонэз шыръяло.

Клубзэс уг пытсало

Надежда Леконцевалэн матысь эшез, визькенешен юрттйсез - Балтач школалэн директорез Анна Стрелкова. Гуртысь котькуд ужрадэз дэмен ортчыто. Ми ум люкиське, колхозник я дышетйсь шуыса - ваньмы одйг кыткетын, шуэ Надежда Леконцева.

Гурт поселенин туннэ 2 клуб. Вань бадъимесь ужрадъёс ортчыло Балтачын. Тюарын клублэн юртэз вань - ужасез өвёл. Татысь калыкез шулдыртыны, чöш пукон жытгёс радъяны вуыло балтачъёс. Зэм, Тюарысь пулэсь жутом клуб шоры кин кызы учкылэ. Сое серттоно шуисез но вань, возыны дуно усе угось. Сое так но гурт поселенилэн балансэз вылэ кельтйзы ни. Но На-

дежда Леконцева шуэ: көня быгатомы, сомында возёмы. Пу дасянэз пилорамаосын кивалтйсьёс, колхоз ас выламы басътомы шуизы. Зэм, клубез кышъяно но, утялтоно но на. Но пытсад ке, демография лыдпусъёс воксё минусэ кошкозы.

- Милям «пересь доммы» вань. Отын улйсь арлыдоослэн прописказы ми дорын. Кылем арын отысь 6 адями кулйз, - шуэ Н. Леконцева.

3 гуртёсын 650 мурт пусьемын, уло 540-эз. Со пöлысь 123-ез - пенсионеръёс, 20-ез - «пересь доммысь». Школаын 82 пинал дышетске, таос пöлысь 20-ез нылпи - мукет поселениосысь. Артысь гуртёсысь угось школаоссы пытсаськемын ни. Нош Балтачын спортзалзэс алигес выльдйзы. Стадионазы асфальт кысьтйзы. Туэ гужем стадион шорысь бусыез ёрос бюджетысь коньдонэн тупатъяны медо. Пилорама материал висъяны чакла. Скамьяос гинэ но кулэ ук. Суй ворттыны юрттоз колхоз. Надежда Леконцева али сяме пычатыны выре чылкыт улонэз, жулжаг утялтонэз.

- Жаг утялтонэз 2019-тй арысен, тылэз-газэз сямен, квитанцие пыртозы, шуо. Куд-огезлэн сое валламе уг поты на. Та бордын ужаны кулэ. Со сяна, туэ чакласькомы огзэ ульчамес тупатъяны. Палэнысь лыктэмъёс котырысьтымы сикмес кораса быдто ни, эшшо ке шур вамен жутом выжез ялан тйяло. Тйяло ке, лэсьтон борды но мед басътйськозы вылэм. Олокыче но сюлмаськон шеде! Калыктэк тон нокин но өвёл, шуисько аслым ачим. Школаын ужасал ке, ой но тодылысал, таге но шуг-секытёс вань вылэм шуыса. Огез шоры но синме уг кыниськы - пичи ужпум бордысь угось бадъимез кылдэ. ***

Мар луэ вордскем шаерамы, со сярись тодэммы потыса, лыдзиськиськом.

Алигес Пичи Пурга черкогуртэ Татьяна Москвина доры удмурт дэрем вуртытыны шуыса сюрес вылэ потй. Райцентре вуи но, Татьяна Никитичналэсь улон интызэ кызы шедьгом меда шуыса, адямиослэсь юалляськыны кутски. Зуч кылын ваземелы шоро-куспо арлыдъ-

ем нылкышно удмурт кылын вераз. Сыгё шумпотй. Чайковский кемысь лыктэмме тодйз но юалляськыны öдъяз: тй пиостэс утчася Чечняе ветлэм Аристова өвёл-а? Библиотекаямы пумиськон радъямы ке, лыктыны быгатоды-а? Озы тодматскеммы луиз Йоскалык библиотекаысь ужасен Татьяна Николаеваен. Ми тйледын одно ик пумиськон

жыт ортчытом, шуиз. Озы библиотекаын ужасёс милемыз дораз куное öтизы. Со быдэса сйземын вал Чечняын ортчем ожгёслы. Пумиськонмы туж шунит ортчиз, отчы трос калык лыктэмын вал. ***

Гажаса Чайковский городысь удмуртёслэн «Дэмен» огазеяськонэнызы кивалтйсь Валентина АРИСТОВА